

LEEJTWG MUAJ CAI POV NTAWV XAIV TSA NYOB WISCONSIN?

Koj muaj peevxwm tawm suab xaiv nom tswv tau yog tias koj:

- Twb muaj 18 xyoo rov saud rau thaum lub caj xaiv tsa;
- Koj yug los tias yog US tus peejeem, vim koj twb txia los ua pejxeem lawm. (yog tias koj yug nyob rau Puerto Rico, koj yeej yog neeg US lawm)
- Koj nyob rau Wisconsin yam tsawg tau 10 hnuv ua ntej hnuv xaiv tsa lawm;
- Koj twb sau npe xaiv tsa – los yog koj mus sau npe rau thaum hnuv qhib xaiv tsa. (yog koj sau npe nyob rau lwm lub chaw, hnuv ntawd koj yuav tsum rov mus sau npe tshiab rau lub chaw nyob tshiab ntawd.)

Kuv ua li cas ntxiv yog tias kuv yuav tsum sau npe xwb xwb?

- **Yog koj muaj ntawv tsav tsheb hauv Wisconsin, koj yuav tsum nqa tuaj,** rau qhov koj yuav tau sau tus lev daim ntawv tsav tsheb nrog. **Yog tias koj tsis muaj ntawv tsav tsheb hauv Wisconsin, koj yeej tseem sau npe tau** uas yuav tau siv 4 tug lev kawg ntawm koj daim Social Secutiy los yog lwm hom ID uas koj muaj, los yog sau qhia hais tias koj yeej tsis muaj ib daim ID twg li los tau.
- Koj **muaj lwm yam ntawv qhia tias koj nyob muaj chaw.** Yog tias koj mus sau npe hnuv mus pov ntawv xaiv tsa ntawd ntawd xwb, los yog twb sau npe ua-ntej li 7 hnuv lawm, los yog koj twb sau npe rau tej chaw luag tuaj hais lus lawm, koj yuav tsum tau nqa tej ntawv uas koj muaj nrog koj tuaj qhia luag txog koj npe thiab chaw nyob tibsi, xws li daim ntawv tsav tsheb, lwm hom ID, tej ntawv them nqe hluavtaws xob (faisfab, them Gas thiab xovtooj), nqa daim koj them se, daim ntawv xob tsev, tej ntawv qhib tso nyiaj hauv txhabnyiaj, tej tw ntawv tau txais nyiaj, yog tsis li ntawd, koj yuav tsum nrog ib tug neeg uas paub koj zoo mus kom nws qhia luag tias nws paub koj chaw nyob zoo. (koj siv tsis tau daim ntawv them credicard, tej ntawv luag tuaj sau koj nqis los yog ib daim ntawv lwm tus sau xa rau koj.)

Koj muaj peevxwm mus xaiv tsa tau txawm yog tias:

- Koj tsis muaj ntawv tsav tsheb uas muaj duab nrog ID;
- Koj yog tus neeg **muaj txhaum** yav dhau los (tiamsis luag tsis kom koj yuav tsum hais rau tub ceevwm paub thaum koj tawm mus lwm qhov chaw. KOJ ROV MUAJ CAI LI YAV QUB, YOG LUAG TSIS MUAJ “NTAWV TXWV KOJ LAWV.” Yog tias tej kev txhaum uas koj tau ua los tsis yog yam loj heev ces koj tseem muaj cai mus pov ntawv xaiv tsa tau, txawm tias koj tseem nyob koj lub txim los xij.)
- Koj tsis txawj hais lus Askiv (tiamsis koj yog pejxeem US.)
- Koj yog **tub kawm ntawv** nyob deb ntawm niam txiv (koj muaj cai xaiv chaw mus pov ntawv xaiv tsa nyob thaj tsam koj kawm ntawv los yog siv koj lub chaw nyob tshiab thaum koj kawm ntawv no tau. Tiamsis tsis pub koj mus tawm suab xaiv tsa ob zaug.)

